

KOMUNA E TUZIT  
KOMISIONI KOMUNAL ZGJEDHOR I TUZIT

Në bazë të nenit 13 paragrafi 2 të Ligjit mbi zgjedhjen e këshilltarëve dhe deputetëve (“Fleta zyrtare e RMZ” nr. 4/98, 5/98, 17/98, 14/00, 18/00, 73/00, 9/01, 41/02, 46/02, 45/04, 48/06, 56/06 dhe “Fleta zyrtare e MZ”, nr. 46/11, 14/14, 47/14, 12/16, 60/17 dhe 10/18) Komisioni komunal zgjedhor i Tuzit, përcakton:

**KALENDARIN ZGJEDHOR**  
**PËR ZBATIMIN E VEPRIMEVE ZGJEDHORE PËR ZGJEDHJE**  
**TË CILAT DO TË MBAHEN MË 30.08.2020**

**I. VEPRIMET ZGJEDHORE**

1. Presidenti i Malit të Zi më 20.06.2020, ka sjellë Vendimin mbi shpalljen e zgjedhjeve për zgjedhjen e deputetëve në Kuvendin e Malit të Zi. Zgjedhjet do të mbahen më 30.08.2020.
2. Komisioni komunal zgjedhor i Tuzit përcakton dhe publikon kalendarin zgjedhor të afateve për zbatimin e veprimeve zgjedhore të përcaktuara me ligj.

Në pajtueshmëri me Ligjin mbi zgjedhjen e këshilltarëve dhe deputetëve, Komisioni komunal zgjedhor i Tuzit kryen veprimet zgjedhore nga kompetenca e vetë:

1. Me ditën e shpalljes së listës përmbledhëse zgjedhore për zgjedhjen e deputetëve në Kuvendin e Malit të Zi, Komisioni komunal zgjedhor i Tuzit me konkludim përcakton se cila listë zgjedhore për zgjedhjen e deputetëve në Kuvendin e Malit të Zi plotëson kushtet për përcaktimin e përfaqësuesve të vet në përbërjen e zgjeruar të Komisionit komunal zgjedhor të Tuzit dhe i parashtron dorëzuesit të listës zgjedhore në afat prej **24 orëve** nga momenti i sjelljes së atij konkludimi (neni 26 paragrafi 1 i Ligjit mbi zgjedhjen e këshilltarëve dhe deputetëve).

Përfaqësuesit e autorizuar marrin pjesë në punën e Komisionit komunal zgjedhor të Tuzit dhe në mënyrë të vlefshme vendosin **njëzetë (20)** ditë para ditës së përcaktuar për mbajtjen e zgjedhjeve (neni 26 paragrafi 1 i Ligjit mbi zgjedhjen e këshilltarëve dhe deputetëve).

2. E drejta e mbulimit mediatik ndalohet (fillon heshtja parazgjedhore) 24 orë para ditës së mbajtjes së zgjedhjeve, do të thotë me **28.08.2020 në orën 24.**

**II. REGJISTRI ZGJEDHOR, VENDVOTIMET DHE KËSHILLAT ZGJEDHOR**

**a) Regjistrat zgjedhor**

Regjistri zgjedhor mbahet për trevën e vetëqeverisjes lokale sipas vendvotimeve. Lista zgjedhore përfundohet më së voni **dhjetë (10)** ditë para ditës së përcaktuar për mbajtjen e zgjedhjeve (neni 18 paragrafi 1 i Ligjit mbi zgjedhjen e këshilltarëve dhe deputetëve).

**Afati: 19.08.2020, më së voni deri në orën 24.**

Aktvendimi mbi përmbylljen e regjistratit zgjedhor dozohet Komisionit shtetërorë zgjedhor të shtetit më së voni në afat prej **24 orësh** nga momenti i sjelljes së aktvendimit.

Komisionit shtetërorë zgjedhor i shtetit me pranimin e aktvendimit mbi përmbylljen e regjistrit zgjedhor në afat prej **24 orësh** dorëzon Komisionit komunal zgjedhor të Tuzit.

Me përmbylljen e regjistrit zgjedhor ndryshime në të mund të bëhen vetëm në bazë të vendimeve të Ministrisë, gjegjësisht gjyqit në kontestin administrativ, më së voni **pesëmbëdhjetë (15)** ditë para ditës së përcaktuar për mbajtjen e zgjedhjeve (neni 13 paragrafi 5 i Ligjit).

Organi kompetent për mbajtjen e regjistrit zgjedhor, në afat prej 5 ditëve nga dita kur është sjellë aktvendimi mbi përmbylljen e regjistrit zgjedhor, printon dhe vërteton ekstraktin nga regjistri zgjedhor për çdo vendvotim dhe i dorëzon Komisionit shtetërorë zgjedhor (neni 20 paragrafi 1 i Ligjit mbi regjistrat zgjedhor).

Komisioni shtetërorë zgjedhor ekstraktet e vërtetuara nga regjistri zgjedhor dorëzon Komisionit komunal zgjedhor të Tuzit në afat prej 24 orëve prej momentit të pranimin të ekstraktit nga regjistri zgjedhor, si dhe parashtruesit të listës zgjedhore të konfirmuar (neni 20 paragrafi 3 i Ligjit mbi regjistrat zgjedhor).

#### **b) Përcaktimi dhe shpallja e vendvotimeve dhe emërimi i këshillave zgjedhor**

Vendvotimet përcakton Komisioni komunal zgjedhor i Tuzit, në propozim të organit kompetent për mbajtjen e regjistrit zgjedhor, më së voni **njëzet (20)** ditë para ditës së mbajtjes së zgjedhjeve (neni 65 paragrafi 2 i Ligjit mbi zgjedhjen e këshilltarëve dhe deputetëve).

**Afati: Më së voni deri më 09.08.2020 deri në orën 24.**

Komisioni komunal zgjedhor i Tuzit, më së voni **dhjetë (10)** ditë para ditës së mbajtjes së zgjedhjeve shpall njoftim se cilat vendvotime janë përcaktuar dhe cilët votues do të votojnë në vendvotime të caktuara (neni 65 paragrafi 4).

**Afati: Më së voni deri më 19.08.2020 deri në orën 24.**

Aktvendimi të cilin partitë politike kanë të drejtë të propozojnë përfaqësuesit në përbërjen e përhershme të këshillave zgjedhor, Komisioni komunal zgjedhor i Tuzit ka obligim të sjellë më së voni **pesëmbëdhjetë (15)** ditë para ditës së mbajtjes së zgjedhjeve (neni 35a paragrafi 1 i Ligjit mbi zgjedhjen e këshilltarëve dhe deputetëve).

**Afati: Më së voni deri më 14.08.2020 deri në orën 24.**

Ky aktvendim nga paragrafi 1 i nenet 35a KKZ i Tuzit dorëzon të gjithë parashtruesve të listave zgjedhore të konfirmuara në afat prej **24 orëve** nga momenti i sjelljes.

Komisioni komunal zgjedhor i Tuzit me sjelljen e aktvendimit mbi shpalljen e listës zgjedhore, me konkludim përcakton se cili parashtrues i listës zgjedhore plotëson kushtet për përcaktimin e përfaqësuesve të vet në përbërjen e zgjeruar të këshillave zgjedhor. Konkludimi mbi plotësimin e kushteve për përcaktimin e përfaqësuesve të parashtruesit të listës zgjedhore në përbërjen e zgjeruar të këshillave zgjedhor KKZ i Tuzit dorëzon parashtruesit të listës zgjedhore, në afat prej **24 orëve** nga momenti i përcaktimit të vendvotimit. Parashtruesi i listës zgjedhore do të përcaktojë përfaqësuesin e vet të autorizuar në përbërjen e zgjeruar të këshillit zgjedhor dhe mbi këtë të njoftojë KKZ të Tuzit e cila më së voni **24 orë** nga momenti i dorëzimit të njoftimit, me konkludim sipas emrit përcakton personat të cilët hyjnë në përbërjen e zgjeruar të këshillit zgjedhor.

Përfaqësuesi i autorizuar merr pjesë në punën e këshillave zgjedhor dhe në mënyrë të vlefshme vendosë **pesë (5)** ditë para ditës së përcaktuar për mbajtjen e zgjedhjeve.

Komisioni komunal zgjedhor i Tuzit emëron këshillin zgjedhor për çdo vendvotim më së voni **dhjetë (10)** ditë para ditës së përcaktuar për mbajtjen e zgjedhjeve.

Veçanërisht më kërkesë të arsyetuar të partisë politike, gjegjësisht grupit të votuesve që ka arritur të drejtë të propozoj përfaqësuesit në përbërjen e përhershme të këshillit zgjedhor, përbërja e këshillit zgjedhor mund të ndërrohet edhe pas skadimit të këtij afati, e më së voni **12 orë** para hapjes së vendotimeve.

Këshillat zgjedhor marrin materialin zgjedhor nga Komisioni komunal zgjedhor i Tuzit më së voni **48 orë** para mbajtjes së zgjedhjeve (neni 75 paragrafi 3 i Ligjit).

**Afati: 27.08.2020 deri në orën 24.**

Këshilli zgjedhor më së voni në afat prej **gjashtë (6)** orëve nga momenti i mbylljes së vendotimit, do të dorëzoj materialin zgjedhor Komisionit komunal zgjedhor të Tuzit (procesverbalin, ekstraktin nga regjistri zgjedhor, fletëvotimet, kuponët kontrolluese të ndara nga fletëvotimet, kërkesat për votim me anë të zarfit, vulën e këshillit zgjedhor etj.) (neni 91 i Ligjit).

### **III. REZULTATET E PËRKOHSHME DHE PËRFUNDIMTARE**

Komisioni shtetëror zgjedhor përcakton rezultatet e përkohshme në afat prej 12 orëve nga momenti i dorëzimit të raporteve të komisioneve komunale zgjedhore (neni 91 dhe 92 i Ligjit mbi zgjedhjen e këshilltarëve dhe deputetëve).

Komisioni shtetëror zgjedhor përcakton rezultatet përfundimtare të zgjedhjeve për deputet në afat prej 12 orëve nga momenti i skadimit të afatit për dorëzimin e kontestit gjegjësisht ankesës, gjegjësisht nga momenti i përfundimit ose përmbarimit të vendimeve të sjella sipas kontestit apo ankesës (neni 98 i Ligjit mbi zgjedhjen e këshilltarëve dhe deputetëve).

Me ditën e përcaktimit të rezultateve përfundimtare të zgjedhjeve përfundon mandati i përfaqësuesve të autorizuar të listave zgjedhore të parashtruara në Komisionin komunal zgjedhor të Tuzit.

Rezultatet përfundimtare të zgjedhjeve për deputet publikohen në “Fletën zyrtare të Malit të Zi- dispozitat komunale”, më së voni **pesëmbëdhjetë (15)** ditë nga dita e mbajtjes së zgjedhjeve (neni 99 i Ligjit mbi zgjedhjen e këshilltarëve dhe deputetëve).

**Afati: Më së voni 14.09.2020 deri në orën 24.**

### **IV. VËZHGESIT E ZGJEDHJEVE**

Vëzhguesit e huaj të interesuar mund të përcjellin ecurinë e procesit zgjedhor nga dita e shpalljes së zgjedhjeve deri në publikimin e rezultateve përfundimtare (neni 111v).

Vëzhguesit e huaj të interesuar paraqitjen për vëzhgimin e zgjedhjeve e parashtrojnë në Ministrinë e punëve të jashtme më së voni dhjetë (10) ditë para ditës së mbajtjes së zgjedhjeve. Ministria, të nesërmen ditë nga dita e pranimit të paraqitjes, të njëjtën dorëzon Komisionit komunal zgjedhor (neni 111g paragrafi 1 i Ligjit mbi zgjedhjen e këshilltarëve dhe deputetëve).

**Afati: Më së voni 19.08.2020 deri në orën 24.**

Komisioni shtetërorë zgjedhor në afat prej **48 orësh** nga dita e pranimit të paraqitjes lëshon autorizime zyrtare për vëzhgimin e zgjedhjeve ose me aktvendim refuzon lëshimin e autorizimit.

Organizatata joqeveritare të vendit të interesuara për përcjelljen e zgjedhjeve paraqitjen për vëzhgim e parashtrojnë më së voni pesë ditë para ditës së mbajtjes së zgjedhjeve.

Komisioni shtetërorë zgjedhor në afat prej **48 orësh** nga momenti i pranimit të paraqitjes lëshon autorizime zyrtare për vëzhgimin e zgjedhjeve ose me aktvendim refuzon lëshimin e autorizimit.

Përfaqësuesit e autorizuar të organizatave vendore për pyetje të opinionit publik mund të bëjnë pyetje opinionit publik me përfundimin e votimit.

Organizata parashtron kërkesë Komisionit shtetërorë zgjedhor i cili në afat prej **48 orësh** nga momenti i pranimit të kërkesës lëshon autorizime zyrtare ose me aktvendim refuzon lëshimin e autorizimit.

Kërkesa parashtrohet më së voni pesë ditë para ditës së votimeve.

## **V. AFATET DHE VEPRIMET E TJERA**

Komisioni komunal zgjedhor i Tuzit me kalendarin zgjedhor të vetë do të përcaktojë obligimet dhe veprimet e tjera me data dhe afate precize, të cilat do ti publikojë në internet faqen e vet.

Numër: 09/20  
Tuz, 01.07.2020

**KRYETARI,**  
Edmond Ujkaj d.v.